



AD
COMMENTARIUM
de Præsulibus ANGLIÆ, per
FRANCISCUM GODWINUM, Episco-
pum tunc LANDAVENSEM, modo
HEREFORDENSEM, editum
Anno 1616.

Appendix.

Ad Archiepiscopos CANTVARIENSES.



Eo, Regi, Ecclesiæ, rei; publicæ,
 præclaram adhuc nauat operam
 Georgius Abbot, Archiepiscopus hu-
 ius sedis Metropoliticæ, & nauabit
 spero quam diutissime; vt cōmentario
 meo hac in parte non sit opus aliquid
 adjicere; nisi hoc forte silentio non
 videatur prætereundum, quod non modo Guiltordix (vbi
 natus est) Ptochorrophium eum fundare (opus sane egre-
 gium ipsaq; structura splendidum) sed etiam in vrbe Can-
 tuariensi Aquæductum, publico ciuium commodo con-
 struere hoc ipso tempore, quando a me hæc scribuntur,
 audiam.

A

Ad

Ad Episcopos LONDINENSES.

The Pro-
stants plea
for Priests
and Papists.

MArtij 30. 1621. diem clausit extremum Ioannes Kyng, Episcopus Londinensis, sexagenario maior, postquam ex calculo in vesica concepto, cruciatus ingentes magna animi constantia diu tolerasset. De hoc Antistite paulo post obitum, rumusculi clam dolo malo sparsi sunt; deserta religione, quam per omne vitæ curriculum propugnasset, ad Pontificios descivisse, atque per sacrificulum quendam Romano-catholicum (T. Prestonum) Ecclesiæ Romanæ reconciliatum, in Pontificiæ religionis professione mortuum. Huiusce figmenti author, cum diu frustra quæretur; ex qua officina prodierit, res ipsa indicavit. Ex mendaciorum seminario Duaci, emissus est * libellus Septembri mense, & à Kellisono approbatus. hoc obiter narrans & exprobrans, ubi tamen reconciliantis nomen visum reticere. Prestonus igitur hac de re examinatus, in verbo sacerdotis professus est coram Archiepiscopo Cantuariensi, iterumq; D.D. Thoma Edmondo, & Georgio Calvert Conciliarijs Regijs, se dictum Episcopum ad eum usque diem, nunquam vel convenisse vel vidisse, vel aut verbo aut scripto cum illo aliquid rei usquam habuisse. Ad laborantem visitandum & consolandum, commearunt frequentes Episcopi venerabiles, Couentrensis ac Lichfeldensis, Bathonensis & Wellensis, Eliensis, ac deniq; biduo antequam decederet, reuerendissimus Archiepiscopus Cantuariensis. Neque his, neque familiarium aut amicorum cuiquam, de hac re aliquid suboluit. Voces, gemitus, actiones omnes, pristinam pietatem, religionem, Zelum, constantiam spirabant. Cæterum huius commenti vanitatem nihil manifestius redarguit, quam id quod omnium rerum gessit postremum; adeo saltem postremum, ut alimenti quippiam postea non degustarit. Per aliquot
antea

antea dies nauseabundus, esculenta & poculenta omnia fuerat auersatus : viatico tamē corporis ac sanguinis Domini se cupidus muniendi, vim sibi hac in parte voluit adferre. Qui ministrum munere fungeretur, accersitur D. Cluet, Archidiaconus Middlesexiæ, Capellanus eius domesticus : Vniuersa familia congregatur, amici adsunt complurimi, inter eos D. Henricus Martin, Eques auratus, legum Doctor, atque Cancellarius eius. His coram, sacri synaxeos sit particeps, administratæ rituper Canones & ordinationes Ecclesiæ nostræ præscripto. Siquis de hac re plura auct cognoscere, concionem legat typis editam, ad crucem Paulinam habitam per Henricum Kyng huius Episcopi primogenitum (filium tanto dignum parente) in qua hæc omnia, eleganter, prolixè, ac sigillatim explicantur quæ a me sunt tradita, atque mihi per testium plurimorum fide dignorum asseuerationem compertissima. Ecquis iam sanæ mentis tam hebes est, ut istius commenti vanitatem si oculis non perspiciat, at manibus non possit palpare? Haud credo. Isti tamen tenebriones tam clare conuicti, ut manus dent adeo procul est, uti sub ipsum tempus quando hæc à me scribuntur, alium adhuc de hac re libellum emisierint (stolidum sane, bombis refertum & sesquipedalibus verbis) ceu potius partum ediderint tam portentosum, ut illius similem mortalium nemo vnquam conspexerit; à patre nimirum genitum, quem certum est prius vita defunctum, quàm is, tanquam nescio quæ Minerua, in cerebro conciperetur, non Iouis, sed Iesuitæ. Conscriptum eum placet fingere, ab Episcopo hoc nostro adhuc superstitè; in quo si Dijs placet, fratres in primis omnes Coepiscopos Anglicanos hortatur enixe, ut deserta & eiurata religione quam profitemur, ad Romanistarum castra transfugiamus. Hanc lucubrationem, amico cuidam ab illo traditam paulo ante mortem comminiscuntur, cum mandato, ut ipso ab hac luce subtracto, tum demum ederet in publicum. Amicum istum nominare, illis (credo) haud fuerit in promptu. Sed autographum cur non ostendunt, ut ex manu & scriptura agnoscatur? Non facient

The Bishop
of London's
legacie.

certe. Quare, si cui cordi sit, istius tam præclari opusculi verum authorem, spurij tam portentosi (sed reuera subditiij) parentes inuestigare; consulat horror Fisherû Iesuitam in nouo carcere Londini conclusum, cui, vnde id prouenerit haud est obscurum. Si quem nunc subeat admiratio, istis quid veniat in mentem, quod calumnias tam putidas & ab omni tam probabilitate quâ veritate alienas, fronte perfricta, mundo non vereantur iterum atque iterum obtrudere; legat, obsecro, libellum cuius primo in loco feci mentionem, vbi (vt alia mittamus) me decies ad minimum citauit testem, locum vbique designans, huiusce nostri Episcoporum Anglicanorum Catalogi, cum vel nihil ijs de rebus à me traditum ibi loci reperiatur, vel etiam quod allegantis proposito plane aduerfetur. Vt Pontificiæ religionis scitum videatur & dogma iam Catholicum, calumniandum fortiter, quo aliquid saltem adhæreat. Percontandum certe pari ratione, fide, ac fronte, cur nos etiam, Gregorium 14. Papam ad Iudaismum, Bellarminum ad Mahometismum paulo ante mortem non mentiamur apostatasse, vt pro calumnijs calumnias regeramus. Nos autem præsidia talia vanitatis cultoribus relinquimus; veritatis assecclas sinceritati decet studere. Virum pietate, eruditione, admirabili facundia & docendi assiduitate insignem, optare istos suis adnumerandum, non miror. Cæterum ille superstitiones Papiſticas ab ineunte ætate ad extremum vsque halitum semper auersatus, totus haud dubie noster, ipso die quem Dominicę passionis memorię nostra consecrat Ecclesia, videlicet Martij 30. 1621. quemadmodum vixit, tam pie in Christo obdormiuit, vt mihi subeat optare,

Sic mihi contingat viuere sicque mori.

In Ecclesia sua Paulina tumulatus est, vbi sepulchro, hoc vnicum vocabulum præcepit inscribi, RESVRGAM.

87. GEORGIUS MOUNTAIGNE.

Hic demortuo successus est Georgius Mountaigne, ab Ecclesia Lincolnensi per legitimam confirmationem huc translatus, Iulij 20. 1621.

Ad Episcopos WINTONIENSES.



Vnij 18. 1616. excessit è viuis Thomas Bilsonus venerabilis ille Wintoniensis Episcopus, Westmonasterij, vbi iacet sepultus ab australi parte Ecclesiæ, iuxta monumentum Richardi secundi Regis.

68. IACOBVS MOUNTAGV.

Successor illi mox declaratur, Iacobus Mountagu (cuius memoria mihi cum omni gratitudine celebranda) Bathoniensis ac Wellensis Episcopus, translatus Octobris 4. 1616. quem in Senatum arcani Regis Consilij admissum, florente iam ætate, idæro nigro atque hydrope sublarum, morte raptum immatura summo non sine luctu amissimus, Iulij 19. 1618. Bathoniæ sepultus est, in templo tantis sumptibus à se restaurato, prout in Commentario nostro iam antea est expositum.

1616.
Iacobi R. 14.

69. LANCELOTVS ANDREVV S.

Ætate iuniori successit longe prouectior, senex ter venerandus, ab Eliensis sede ad Wintoniensem translatus, Lancelotus Andrews, Februarij 25. 1618. stylo Anglicano, communi vero 1619. In album eorum paulo post adscriptus qui Regi nostro sunt ab arcanis Consilij. Prouinciam sibi demandatam (sicuti pare est tantum Præsulem) nauiter saragit administrare.

1618.
Iacobi 16.

Ad Episcopos ELIENSES.

37. NICOLAUS FELTON.

1618.
Iaco. R. 16.

Ad Wintoniensem sedem ab Eliensi translato Lanceloto Andrews, Febr. 25. sufficitur Nicolaus Felton, Episcopus Britoliensis, Martij 11. sequenti, hoc est diebus 14. ante annum 1619. inchoatum.

Ad Episcopos LINCOLNIENSES.



Richardus Neilus (de quo apud Lincolnienfes in Commentario nostro postremo fecimus mentionem) hinc translatus est ad Sedem Dunelmensem.

42. GEORGIVS MOUNTAIGNE.

1617.
Iaco. R. 15.

Hic tunc præficitur Ecclesiæ Georgius Mountaigne, sacre Theologiæ Doctor, Westmonasteriensis Decanus, consecratus Decembris 14. 1617. Hinc migravit Londinum, translatus Iulij 20. 1621.

43. IOANNES WILLIAMS.

1621.
Iaco. R. 19.

Decanus itidem Westmonasteriensis Ioannes Williams, sacre Theologiæ Doctor Cantabrigiensis, Regiæ Maiestati ab arcanis consilijs, & magni Angliæ sigilli Custos, Decanatus sui Commendatarius iam futurus, in Episcopum Lincolniensem consecratur Westmonasterij Nouembris 11. 1621. postquam huiusce Lincolnienfis Ecclesiæ per annos 11. fuisset Canonicus Residensarius, ac deinde Sarisburiensis Decanus. In Præsule hoc dignissimo (non sine summa pientissimi Regis laude) Sacer Ordo quasi

quasi postliminio recuperavit sacratum Regiæ Conscientiæ depositum hoc est, publicæ æquitatis dispensationem. Pergat quæ cœpit, tortuosos litum Labyrinthos explicare, & tricas subinde in subditorum grauamen oborientes, quasi Hydræ capita fœlici dextra amputare.

Ad Episcopos COVENTRENSIS &
LICHFELDENSES.



Iannes Ouerall ad Ecclesiam Norwicensem, electionis legitima confirmatione translatus est ab hac sede Septembris 30. 1618.

72. THOMAS MORTON.

Thomas Morton Episcopus Cestrensis huc transfer- 1618.
tur Martij 6. 1618. stylo Anglicano. Iaco. 16.

Ad Episcopos SARISBURIENSES.



Ondum sexagenarius Robertus Abbot vitam cum morte commutauit, cum sedisset supra annos 2. menses 3. Martij videlicet circiter 2. 1617.

44. MARTINVS FOTHERBY.

SUCCESSIT illi Martinus Fotherby, sacre theologiæ Do- 1618.
ctor, consecratus Aprilis 19. 1618. Temporis diuturnitate quo præfuit, antecessore nihilo fœlicior, nondum biennio completo, debitum naturæ persoluit mense Martio, sub finem anni 1619. Cætera pro me narrabit Epitaphium frontispicio tumuli inscriptum, in Ecclesia Omnium Sanctorum visendum, Londini in vico vulgo Lum-
bard-street nuncupato. Iaco. 16.

Depositum.

Depositorium.

R In Christo patris ac D. D. Martini Fotherby, olim Sarisburiensis Episcopi, qui ex antiqua & vere generosa de Grimslay magna in Comitatu Lincolnienfi familia oriundus; Cantabrigiam inde accitus, & collegij S. Trinitatis Socius meritisime cooptatus, linguis atq; ordinis summis Academia gradibus est insignitus. Hic postquam celebris, Ecclesiæ Cathedralis ac Metropoliticae Christi Cantuariensis Præbendarius annos 22. perdurasset; tandem per serenissimum Regem Iacobum (cui & a sacris erat) ad Episcopatum Sarum euectus est. Vixit, omni scientiarum, humanarum, diuinarum genere vir instructissimus; concionator idem disertissimus; hæresin & hypocrisin validissime perosus; vitæq; ac morum tum grauitate tum suauitate eximius; exteriori corporis decore spectabilis; politiori sermonis elegantia præstans; potioribus animi donibus adornatus, memoria nempe fideli, ingenio fœlici, iudicio acri, & in rerum administratione prudentia admirabili; omnibus sane numeris quos humana capit conditio adeo consummatus, vt vel primarijs viris facile exequandus, nullis exuperandus esset. Aduersus Atheos doctissimum opus instituit; cuius auspiciu, & quasi vestibulum, Londini (heu moriens) typis mandandum reliquit. Corpus hic Sepulchro donari petijt sub beata resurrectionis spe. Spiritum ipse suum immortalem, patri spirituum pie placideq; reddidit Martij 11. anno æræ Christianæ 1619. ætatis suæ 60.

45. ROBERTVS TOVNSON.

1620.
Iaco. R. 18.

I Vlij 9. 1620. consecratus est in Episcopum huius Ecclesiæ Robertus Tounson, sacre Theologiæ Doctor, & Westmonasteriensis Decanus. Hic etiam exiguo tempore consecrationi suæ superstes, anno nimirum nondum circumacto, ab hac luce substractus est, circa medium mensis Maij proxime sequentis.

46. Io-

46. IOANNES DAVENANT.

Nouembris 18. 1621. Ioannes Dauenant sacre The- 1621.
 ologiæ Doctor, & Collegij Regina Cantabrigiæ *Iaco. R. 19.*
 Præles, Prælector Theologicus D, Margaretæ, ad hanc
 Sedem est consecratus vnâ cum Exoniensi & Meneuensi
 electis. Sic annis nondum septem transactis, quinq; vide-
 runt Sarisburienses Ecclesiæ suæ Episcopos, qui omnes
 eadem in sede defuncti sunt, præter hunc qui hodie præest.
 Hic vnus fuit ex Theologis illis nostratibus, qui Synodo
 Dordrechtanę annis 1618. & 1619. interfuerunt.

Ad Episcopos BATHON.
 & WELLEN.

32. ARTHVRVS LAKE.



D sedem Wintoniensem translato Iacobo 1616.
 Mountagu Octob. 4. 1616. Arthurus Lake *Iaco. R. 14.*
 sacre Theologiæ Doctor, Wigornien-
 sis Decanus, & Collegij siue Prochodo-
 chij sanctæ Crucis Wintoniæ Præfectus, con-
 secratus est in huius Ecclesiæ Antistitem vnâ cum electo
 Bangorensi, Decembris 8. 1616.

Ad Episcopos EXONIENSES.



Vlielmus Cottonus cum huic sedi annos ferme
 22. præfuisset, Augusti 26. 1621. octogenarius
 vitam cum morte commutauit.

39. VALENTINVS CARY.

Ecclésiæ Cathedralis D. Pauli Decanus, Valentinus 1621.
 Cary, sacre Theologiæ Doctor, & Collegij Christi *Iaco. R. 19.*
 Cantabrigiæ Præles, consecratus est in Episcopum Exoni-
 ensensem vnâ cum Sarisburiensi & Meneuensi electis, No-
 uembris 11. 1621.

B

Ad

Ad Episcopos NORVVICENSES.



Ioannes Iegon Episcopus Norwicensis, mortem obiit Martij 13. 1617. stylo Anglicano, cum sedisset supra annos 15. dies 21.

38. IOANNES OVERALL.

1618. *Jacob. R. 16.* **S**UCCESSIT illi Ioannes Ouerall, Couentrensis & Lichfeldensis Episcopus, confirmatus Septembris 30. 1618. Vir (si Deo sic visum) longiori vita dignus, anno proxime sequenti obiit.

39. SAMVEL HARSNET.

1619. *Jacob. R. 17.* **E**PISCOPUS Cicestrensis Samuel Harsnet, huc translatus est, Augusti 28. 1619.

Ad Episcopos WIGORNIENSES.



Agno sui desiderio relicto, Henricus Parry Paralyticus decessit Wigornia annos natus 55. Decembris 12. 1616. & in capella B. Mariæ iacet humatus, è regione tumuli Bullingamiani.

83. IOANNES THORNBOROUGH.

1616. *Jacob. R. 14.* **F**EBRUARIJ 17. 1616. Ioannes Thornborough, Limericensis in Hibernia primum, ac deinde Bristolientis Episcopus, ad hanc sedem est translatus, in qua vivit etiamnum, mihiq; vicinus optimus, amicus amantissimus, vivat utinam diu.

Ad Episcopos HEREFORDENSES.



Onga fatigatus ægritudine, septuagenario maior decessit Robertus Benet, antecessor meus, Octobris 25. 1617. & ab aquilonari parte Presbyterij sepultus est, vbi ab hæredibus tumulum videre

dere est extructum, alabastrinum, perpulchrum sane & illius memorie consecratum. Ab isto & Westfalingo, ædibus Episcopalibus tam Herefordiæ quam Whitbornæ, multum accessit & augmenti & ornamenti, id quod gratitudinis ergo libenter commemoro.

72. FRANCISCUS GODVYN.

Benetto succellurus, ab Ecclesia Landauensi translatus, & in Episcopum Herefordensem confirmatus fui No- 1617.
uembris 28. 1617. Humeris infirmis onus impositum tam Iaco. R. 15.
graue, Deo Opt. Max. vires subministrante, vtinam sic
valeam gestare, vt ad Dei gloriam atque Ecclesiæ id cedat
utilitatem.

Ad Episcopos CICESTRENSES.



Amuel Harsnet ab hac Cicestrensi sede ad Nor-
wicensensem translatus est (prout antea retulimus)
Augusti 28. 1619.

48. GEORGIUS CARLTON.

Successor illi tum designatur, Georgius Carlton Epis- 1619.
copus Landauensis, cuius electio confirmata est Sep- Iaco. R. 17.
tembris 20. anno prædicto 1619.

Ad Episcopos ROFFENSES.



Ceclesiæ Roffensi etiamnum præest Ioannes
Buckrigius, de quo non est opus aliquid adijci-
am ijs quæ in Commentario meo iam antea per-
scripta sunt. Liceat tantummodo amico valetu-
dinario sanitatem corporis firmam, foelicem ac diuturnam
exoptare, ne tanti viri iacturam faciant immaturam, Ec-
clesia, resp. amici. Consecratus est (non vt in Commen-
tario) Iulij sed Iunij 9.

B 2

Ad

Ad Episcopos OXONIENSES.

OXoniensium Episcoporum quartus Ioannes Brigelius, nonagenarius decessit Martij 26. 1618.

5. IOANNES HOWVSON.

1619.
Iaco. R. 17.

Ioannes Howsonus sacrae Theologiae Doctor, & xdis Christi Oxoniae alumnus primum mox Praebendarius, consecratus est in Episcopum eiusdem Ecclesiae una cum Cestrensi & Bristolienfi Maij 9. 1619. natali suo, quo nimirum ipso die tertium supra sexagesimum aetatis annum ingressus est. Vir quam eruditus, lucubrationes testantur in publicum emisse; caeteris porro virtutibus Episcopalibus quam instructus, de veteri ac coniunctissimo amico quam libenter commemorarem, si instituti mei ratio id pateretur.

Ad Episcopos GLOCESTRENSIS,

atque etiam PETROBURGENSES.



DE Glocestrensibus aut Petroburgensibus Episcopis non habeo quod perscribam, permanentibus adhuc in illarum Ecclesiarum praefectura viris grauissimis, Milone Smith & Thoma Doue, de quibus a me iam antea mentio facta est in Commentario.

Ad Episcopos BRISTOLIENSES.



Sede Bristolienfi ad Wigorniensem translatus est Ioannes Thornborough Februarij 17. 1616. sicut antea inter Wigornienfes retulimus.

7. NICOLAUS FELTON.

1617.
Iaco. R. 15.

Nicolaus Felton sacrae Theologiae Doctor, & Aulae Penbrochianae Cantabrigiae Praeses, consecratus est Decembr. 14. 1617. & post menses 15. videlicet Martij 14. 1618. stylo Anglicano ad sedem translatus Eliensem.

8. ROLAN-

8. ROLANDVS SEARCHFIELD.

Rolandus Searchfield sacre Theologiæ Doctor, Ca- 1619.
pellanus Regius, & Collegij S. Ioannis Baptistæ *Iaco.R.17.*
Oxon. nonnunquam socius, in Episc. Bristoliensem conse-
cratus est vna cum Oxoniensi & Cestrensi Maij 9. 1619.

Ad Episcopos MENEVENSES.

A B hac sede ad Carleolensem translatus est Richardus
Milborn, sub exitum Septembris. 1621.

89. GVLIELMVS LAVVD.

Consecratur illi in successorem Gulielmus Lawd, sa- 1621.
cre Theologiæ Doctor, & Glocestrensis Decanus, *Iaco.R.19.*
Collegij D. Ioannis Oxoniæ primum socius, ac deinde
Præses, Nouembris 18. 1621. vna cum Sarisburiensi &
Exoniensi electis.

Ad Episcopos LANDAVENSES.

A B Ecclesia Landauensi ad Herefordensem ego sum
translatus, Nouembris 28. 1617.

69. GEORGIUS CARLTON.

IN Ecclesia Landauensi successorem habui Georgium 1618.
Carlton sacre Theologiæ Doctorem, Mertonensis o- *Iaco.R.16.*
lim collegij Oxoniæ socium; cuius lucubrationes erudito-
rum manibus quotidie teruntur. Cōsecrationis ritibus in-
auguratus est, Iulij 12. 1618. Hic loci nondum plane con-
federat, cum in Belgium amandatus est vna cum alijs ali-
quot Theologis ad Synodum Dordrechtanam; in qua &
iudicium de quinque controuersis doctrinæ capitibus na-
tum, & confessio antiqua reformatæ Ecclesiæ Belgicæ,
quoad fidei quidem dogmata, à Britannis Theologis est
approbata: Quod vero attinet ad articulos eiusdem con-
fessionis 30. 31. & 32. (in quibus de regimine agitur Ec-
clesiastico)

clesiastico) non modo Synodo non sunt propositi, sed & contra eosdem (utcunq; silentio prætermisissos) per Episcopum & collegas Britannos, apertis verbis strenue interpellatum est, rationibusq; solidis reclamatum; ad quas à reliquis Synodicis omnino nihil regeſtum est.

70. THEOPHILVS FEILD.

1619.
Iaco. R. 17.

Theophilus Feild sacrae Theologiae Doctor Cantabrigiensis consecratus est, Octobris 10. 1619.

Ad Episcopos BANGORENSES.

Migrauit ex hac vita Henricus Rowlands mense iulio 1616.

44. LVDOVICVS BAYLY.

1616.
Iaco. R. 14.

Succellorem is habuit Ludouicum Bayly sacrae Theologiae Doctorem, consecratum vna cum Bathonenſi & Wellenſi electo Decembris 8. 1616.

Ad Episcopos ASAPHENSES.

IN Asaphenſis Eccleſiae præſulatu, Richardus Parry adhuc permanet.

De Prouincia Cantuarienſi haſtenus.

Ad Archiepiscopos EBORACENSES.



Reuerendissimus ille Tobias Matthæus, qui ante annos ferme 16. ad hanc sedem Metropolitica translatuſ est; annis iam completis à prima consecratione 28. à quo vero Theologiae Doctor creatuſ, annis 48. Præſulatuſ tanti laboribus adhuc (ſi quiſquam) par, exemplo eſſe poteſt inter paucos, viris eximijs & virtutum laude præſtantibus, longæuam vitam nonnunquam contingere.

Ad

Ad Episcopos DVNELMENSES.

42. RICHARDVS NEILE.



Octobris 9. 1617. Richardus Neile Episcopus Lincolnienſis, per electionis legitimam confirmationem huc tranſfertur. Honeſtis parentibus hic natus eſt Weſtmonaſterij, & in ludo literario ibidem educatus, donec in numerum cooptatus eſt ſtudioſorum, in Collegio D. Ioannis Cantabrigiæ deſcendit. Sacris initiatus, capellanus fit Neſtoris Angli- canꝝ Gulielmi D. Burghleiꝝ, per cuius viuentis gratiam, ac ipſo deſuncto Roberti filij, Comitꝝ Sarisburienſis, primos dignitatum gradus conſcendit; *Xenodochij Sabaudiani* Londini præfecturam, & ſacerdotia de Cheſthunt ac Tuddington, Decanatum deinde Weſtmonaſterienſem (quem etiam tenuit Commendatarius, poſtquam anno 1608. Episcopus Roſſenſis factus eſt) ac denique munus honeſtiſſimum, Clericatus, Regi ab Oratorio ſacro priuato conſtitutus regni ſere ſub initium. In his locis nihil habuit prius aut antiquius, quam ædificia labefactata reſicere, ac priſtino nitori primo quoq; tempore reſtituere. Hoc ipſum ædes teſtantur ſacerdotiorum prædictorum, prout Bromleienſes, Bugdenenſes, ac deniq; arx Dunelmienſis, cuius ſtructuræ faciem ita immutauit in melius, vt eundem eſſe locum non facile agnoſcas. Inter alia porro, capellæ ædium Auklandenſium tectum impoſuit, vitro fenestras obduxit, & priſcæ vſque quoque reſtituit pulchritudini, quæ tanta eſt, vt paucis in Angliā cedat, adeo vt elegantiffimæ illæ Etonenſis, & S. Trinitatis Cantabrigiæ, indeferantur olim mutuata exemplar. In Dunelmienſibus autem ſolis tria librarum millia impendit, aureorum Gallicorum plus 10. millibus præter 1000. marcas in Lincolnienſibus. Cæterum iſtius præſulis omnia bene facta facile non fuerit commemorare. In curriculo cæpto, diu detur vtinam perſiſtere; bonos protegendo, & (ſicut haſtenus)

1617.
Iaco. R. 15.

gratia

gratia atque autoritate nusquam abutendo, ad quenquam per vim iniuste opprimendum.

Ad Episcopos CARLEOLENSES.

Henricus Robinson excessit è viuis Iunij 11. 1616.

36. ROBERTVS SNOWDON.

1616.
Iaco.R.14.

Robertus Snowdon sacrae Theologiae Doctor successit, Eboraci à Metropolitano suo consecratus. Sub initium mensis Maij decessit 1621.

37. RICHARDVS MILBORN.

1621.
Iaco.R.19.

Richardus Milborn ab Ecclesia Meneuensi huc translatus est sub exitum Septembris 1621.

Ad Episcopos CESTRENSES.

9. THOMAS MORTON.

1616.
Iaco.R.14.



Eorgio Floyd Episcopo defuncto, Thomas Mortonus sacrae Theologiae Doctor, Cantabrigiensis Academiae alumnus, & Wintoniensis Decanus, post errores Pontificios neruose ab illo scriptis editis confutatos, in Episcopum huius Ecclesiae consecratus est Iulij 7. 1616. Inde triennio nondum exaeto, ad sedem Couentrensem ac Lichfeldensem translatus est, videlicet Martij 6. 1618. stylo Anglicano.

10. IOANNES BRIDGEMAN.

1619.
Iaco.R.17.

Ioannes Bridgeman sacrae Theologiae Doctor Cantabrigiensis successit illi, consecratus Maij 9. 1619.

C 5022 - 9.

C 11941 SL
39713-4

REPRODUCED FROM THE COPY IN THE
HENRY E. HUNTINGTON LIBRARY

FOR REFERENCE ONLY. NOT FOR REPRODUCTION